



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Series Actorvm Omnivm In Canonizatione Sancti Thomae
a Villanova, Cognomento Eleemosynarij**

Romae, 1658

Iulius tituli Sancti Xisti Cardinalis Rospigliosius.

urn:nbn:de:hbz:466:1-9857

mortalium vim, & consuetudinem euectus, dum se ipsum pro nihilo habuit, Ordini suo magni doctoris Augustini, Ecclesiae suæ Valentinæ maximum honoris incrementum attulit, Hispaniæ vniuersæ decus ingens, & perennem gloriam comparauit.

Iulius tituli Sancti Xisti Cardinalis Rospi-gliofius.

PRÆCLARISSIMÆ sunt virtutum prærogatiæ, quibus Beatus Thomas de Villanova mirificè insignitus, in diebus suis Deo placere studens, à prima usquè ætate vias eius sedulò custodiuit, & vitam Mundi contemnens, vitam planè cœlestem peregit in Terris. Religioso Ordini addictus, tum etiam Valentinæ Ecclesiae Præfectus, factus exemplum bonorum operum, Episcopis vigilantiam, Regularibus disciplinam, omnibus Charitatem assiduè præmonstrauit. Tot merita plurimis, atquè eximijs confirmata miraculis, iure optimo postulare videntur, ut eidem cunctarum virtutum gloria cumulatissimo, Sanctorum honores à S.V. decernantur.

Nicolaus tituli Sancti Eusebij Cardinalis à Balneo.

VIta præclara Beati Thomæ de Villanova adèò Omnipotenti Deo fuit accepta, ut eius precibus illuminauerit cœcos, ad vitam defunctos reuocauerit, ac alia insignia perpetrauerit miracula. Quapropter (Beatissime Pater) optimam causam habet Sanctitas Vestra, toti terrarum orbi indicandi, ipsum cum Sanctis in Cœlo regnare: & dum gloria illius in terris augetur, sperandum est, quod huius sæculi calamitates miserando, optatam pacem, viribus inimicorum Sanctæ Ecclesiæ prostratis, obtineat.

Fran-